


B. N. C.
FIRENZE
1034
44



1034.44



XX^{II} XII.

MACCH.

La carta d: Equit/ e tribonij
traverso l'anno

ORATIO DE

LAUDIBVS FERRARIENSIVM,

A FRATRE LVCA MACCHIAVELLIO BO

noniensi, Ordinis Seruorum, in comi

tij Generalibus habita Ferraria: in aede

diui Georgii: ab eodem composita, atq;
rogatu amicorum,

*Alfonso II. Principe Ferrariensi Illustrissimo
regnante, in lucem edita.*



Bononiæ Peregrinus Bonardus Excudebat.

M. D. LX.

ORATIO DE

LAUDIBUS REGIAE MAJESTATIS

AVUSTRIAE ANNO 1740

AVUSTRIAE ANNO 1740

AVUSTRIAE ANNO 1740

AVUSTRIAE ANNO 1740

AVUSTRIAE ANNO 1740

AVUSTRIAE ANNO 1740



1024 64

AVUSTRIAE ANNO 1740

AVUSTRIAE ANNO 1740

II
3

HIPPOLYTO ESTENSI CARDI-
nali Illustrissimo, Frater Lucas Macchia
uellius Bononiensis, Ordinis
Seruorum, S. P. D.



*N*dormissem profectò diutius, in
hoc grauissimo, mihi tradito nego-
tio, de laudanda Ferrariensium
ciuitate: ni sol ille tui animi splen-
didissimus, me sua luce clarissima,
quasi è somno excitasset: suisq; in-
numera bilibus Virtutum radijs, eam timoris obscurita-
tem sustulisset: quam mihi mea cogitationes attulerant,
Verecundia, ac desperatione cumulata. Cunctanti enim
mihi, meisq;, vel animi, vel doctrinæ viribus diffiden-
ti, ob laudes tot illustrium virorum oratione colligendas,
tanta celeritate præstò fuit illa tua singularis amplitudo,
~~morumq;~~ tentas admirabilis. Ut ingenij, eloquentiaq;
mea tenuitatem oblitus, statim erecto animo, in hanc viã
scribendi, ac dicendi quàm politissimè, quàmq; grauissi-
mè possem, de laudibus Ferrariensium, melibenter, ac
iocundè dederim. Nec me de cursu deflexit iter difficile,
æstu, sudore, puluereq; refertum; nam te auspice fortu-
natissimo, ita sum erectus ad metam gloriæ, ante oculos

mihi constitutam: ut non modo, è carceribus erupisse, me
 non pœnituerit: at etiam, te duce Illustrissimo, victoriam
 non desperarim. Illa tua altissima humanitas, quæ in
 vultus maiestate sedet: in vocis lenitate ridet: in ma-
 nuum liberalitate floret: in animi altitudine conquiescit:
 illa fuit, Hippolyte Illustrissime, quæ me tui colendi cupi-
 ditate incensum, ad hanc prouinciã inflammauit; atq;
 ita, ut nihil vnquam ardentius, in omni vita cognouerim.
 Hec .n. cum in tenebris abdita non lateat: at in luce ho-
 minum amanter, & iucundè viuat: infimos quosq; co-
 mitate complectitur: studiosos verò bonorum morum, &
 virtutis, summis studijs, maximisq; beneficijs, ornatissi-
 mos reddit. Huic tuæ incredibili humanitati, fateor me
 quàm qui maximè debere; quòd per hanc ipsam ad id,
 puncto temporis euolarim: ad quod multos annos, erectis
 manibus, oculis elatis, animoq; inflammato, ita cupide
 aspirabam: ut omnia mihi, quæ amplissima sunt à for-
 tuna datum iri putarem: si mea in te beneuolentia, amo-
 ris, ac fidei specimen præbuissem: lumenue aliquod, mea
 constantissime, erga te voluntatis ostendissem. Verùm
 quoniam, ingenua quadam verecundia impeditus, in
 tuum conspectum lenissimum, ipse prodire nūquam ausus
 fuisset: quin etiam, hoc ardenti desiderio, potius discessis-
 sem inuitus è vita: hanc flammam ex animo, per literas

erumpere permisi; Vt quanti te, splendidissimum ^SCardi-
nalem, semper fecerim: apud animi tui altitudinem, testa-
tum relinquerem. Hæc oratio igitur, quam nuper habui
Ferrariæ, de præstantissimorum ciuium tuorum laudibus,
exultans, & alacris, ad te solem suum splendidissimum
omni festinatione properat. Quòd si hanc omni tua comi-
tate, complexus fueris, Vti spero, ac exopto: & inuido-
rum nebulæ, quæ ingeniorum aciem, sæpenumero perstrin-
gere solent: hominesq; del plusquam mediocriter eruditos,
a scribendo deterrere, tua luce clarissima euanescent: &
ego tue humanitati, quæ me immortalis beneficio affecit,
sempiterna recordatione, deuinctus videbor. Vale, Decus
Italiæ, Ferrariensium salus, Christianæ religionis vincu-
lum.

Datum Ferrariæ, nono calendas Iunij. M. D. LX.

1. The first thing I did was to go to the
2. second thing I did was to go to the
3. third thing I did was to go to the
4. fourth thing I did was to go to the
5. fifth thing I did was to go to the
6. sixth thing I did was to go to the
7. seventh thing I did was to go to the
8. eighth thing I did was to go to the
9. ninth thing I did was to go to the
10. tenth thing I did was to go to the
11. eleventh thing I did was to go to the
12. twelfth thing I did was to go to the
13. thirteenth thing I did was to go to the
14. fourteenth thing I did was to go to the
15. fifteenth thing I did was to go to the
16. sixteenth thing I did was to go to the
17. seventeenth thing I did was to go to the
18. eighteenth thing I did was to go to the
19. nineteenth thing I did was to go to the
20. twentieth thing I did was to go to the
21. twenty-first thing I did was to go to the
22. twenty-second thing I did was to go to the
23. twenty-third thing I did was to go to the
24. twenty-fourth thing I did was to go to the
25. twenty-fifth thing I did was to go to the
26. twenty-sixth thing I did was to go to the
27. twenty-seventh thing I did was to go to the
28. twenty-eighth thing I did was to go to the
29. twenty-ninth thing I did was to go to the
30. thirtieth thing I did was to go to the
31. thirty-first thing I did was to go to the
32. thirty-second thing I did was to go to the
33. thirty-third thing I did was to go to the
34. thirty-fourth thing I did was to go to the
35. thirty-fifth thing I did was to go to the
36. thirty-sixth thing I did was to go to the
37. thirty-seventh thing I did was to go to the
38. thirty-eighth thing I did was to go to the
39. thirty-ninth thing I did was to go to the
40. fortieth thing I did was to go to the
41. forty-first thing I did was to go to the
42. forty-second thing I did was to go to the
43. forty-third thing I did was to go to the
44. forty-fourth thing I did was to go to the
45. forty-fifth thing I did was to go to the
46. forty-sixth thing I did was to go to the
47. forty-seventh thing I did was to go to the
48. forty-eighth thing I did was to go to the
49. forty-ninth thing I did was to go to the
50. fiftieth thing I did was to go to the
51. fifty-first thing I did was to go to the
52. fifty-second thing I did was to go to the
53. fifty-third thing I did was to go to the
54. fifty-fourth thing I did was to go to the
55. fifty-fifth thing I did was to go to the
56. fifty-sixth thing I did was to go to the
57. fifty-seventh thing I did was to go to the
58. fifty-eighth thing I did was to go to the
59. fifty-ninth thing I did was to go to the
60. sixtieth thing I did was to go to the
61. sixty-first thing I did was to go to the
62. sixty-second thing I did was to go to the
63. sixty-third thing I did was to go to the
64. sixty-fourth thing I did was to go to the
65. sixty-fifth thing I did was to go to the
66. sixty-sixth thing I did was to go to the
67. sixty-seventh thing I did was to go to the
68. sixty-eighth thing I did was to go to the
69. sixty-ninth thing I did was to go to the
70. seventieth thing I did was to go to the
71. seventy-first thing I did was to go to the
72. seventy-second thing I did was to go to the
73. seventy-third thing I did was to go to the
74. seventy-fourth thing I did was to go to the
75. seventy-fifth thing I did was to go to the
76. seventy-sixth thing I did was to go to the
77. seventy-seventh thing I did was to go to the
78. seventy-eighth thing I did was to go to the
79. seventy-ninth thing I did was to go to the
80. eightieth thing I did was to go to the
81. eighty-first thing I did was to go to the
82. eighty-second thing I did was to go to the
83. eighty-third thing I did was to go to the
84. eighty-fourth thing I did was to go to the
85. eighty-fifth thing I did was to go to the
86. eighty-sixth thing I did was to go to the
87. eighty-seventh thing I did was to go to the
88. eighty-eighth thing I did was to go to the
89. eighty-ninth thing I did was to go to the
90. ninetieth thing I did was to go to the
91. ninety-first thing I did was to go to the
92. ninety-second thing I did was to go to the
93. ninety-third thing I did was to go to the
94. ninety-fourth thing I did was to go to the
95. ninety-fifth thing I did was to go to the
96. ninety-sixth thing I did was to go to the
97. ninety-seventh thing I did was to go to the
98. ninety-eighth thing I did was to go to the
99. ninety-ninth thing I did was to go to the
100. hundredth thing I did was to go to the

7.

ORATIO FRATRIS LVCAE MAC

chiauellij Bononiensis, ordinis. Seruorum,

de laudibus Ferrariensium.



Ocorum insolentia mouet ita non-
nullos oratores, cum ad dicendum
surrexerint: vt quod onus dicen-
di, sua sponte, vel aliorum inui-
tatu susceperant: illud, cum animo
iam ceciderint, libentissimi depo-
nant. Magnitudine rei, ita perturbantur alij, orationis
initio: vt, quasi ventis aduersis iactati, nec cursum,
quem optabant, dicendo conficere possint; nec optatum
portum tranquillisimè tenere. Ego verò, & si cum cate-
ris oratoribus, magnis dicendi oneribus premor: quòd in-
solens me Athenas contulerim; & si summis fluctibus
animi conflictor: quòd me difficillimæ navigationi com-
miserim: vestro tamen aspectu clementissimo ita recreor:
vestra lenitate opportunissima, ita respiro: vt animum
ad optimam spem iam erexerim; vires ad dicendum re-
ceperim; humeros ad ferendum confirmarim. Præsertim
quòd apud eos verba facio: qui mihi alleuationem polli-
centur, ac summam tranquillitatem; apud eos sermo-
nem habeo: qui, cum sint Alexandro Magno humanio-

res, suarum Virtutum imaginem pulcherrimam, non tantum ab Apelle, sãt à cæteris quoq; pictoribus pingi patiuntur; cum sint Lucullo Romano liberaliores: fructum suarum Virtutum, vel à minimis percipi, non moleste ferunt. Cum vos intueor (ciues humanissimi,) Videre Videor hortos Cimonis Atheniensis, omni florum amantitate, omni fructuum copia redundantes. Patent nunc Vestra laudes omnibus oratoribus: Ut olim, horti Cimonis omnibus atheniensibus, ad suam ipsorum Vtilitatem dies, noctesq; patebant. Licet summis oratoribus Vestras laudes colligere: Ut suauitates odorum, qui è floribus Vestrae sapientiae incredibilis, afflantur, non modo sentiant: at fructus quoq; Vestrae prudentiae singularis, qui maximi sunt, summa cum voluptate percipiant; Licet etiam, per Vestram benignitatem, ijs, qui in secundis, tertiusue constituerunt: Ut, & si vos in cælum diuinis laudibus, efferre, ingenij imbecillitate non possint: possint tamen, splendore Vestrarum Virtutum clarissimo, ipsi plurimũ collustrari. Quare, licebit & mihi, parere cupienti: hodierno die, ad meam Vtilitatem, ingredi campum laudum huius nobilissimae ciuitatis; Vbi prae cæteris Virtutes florent: fructusq; vberimos ferunt; Vbi leges sanctissime custodiantur; magistratus amantissime obseruantur; Vbi demum mali ciues, in tenebris versanteis, debitam pœnam sustinent;

nent; boni verò, summo cum fulgore collucentes, amplissimis præmijs decorantur. Gratulor vobis, iuvenes modestissimis; Gratulor vobis senes prudentissimi: porri-
go dexteram: vos complector animo; propterea quòd in
vestra ciuitate, illa regnare video: quæ respublicas ia-
centes erigunt: erectas confirmant: confirmatas extol-
lunt; quò firmitus, quò diutius, quouè splendidius non mo-
do consistere, ac permanere possint: at etiam in perpetuū,
summa cum dignitate, cæteris omnibus ciuitatibus præ-
stare. Regnat hic admiranda Virtus, in terras è cælo de-
lapsa: quæ vos beatos facit; Beata igitur, ob diuinam
Virtutem Ferraria. Regnat hic singularis obedientia ci-
uium in principem, incredibili amore condita: quæ vos
felices reddit; felix igitur, ob ciuium obedientiam, Fer-
raria. Regnat hic & summa Principis æquitas, omni
liberalitatis genere cumulata: quæ vos fortunatos efficit;
fortunata igitur, ob Principis æquitatem, Ferraria. Quid,
quæso, aliud, in optima, ac benè constituta ciuitate, de-
siderari potest? Quid, quæso, aliud? num diuitiæ? num
opes? num tecta, auro fulgentia? num vermiculata em-
blemata? num soli vbertas? frugum maturitas? hortorū
amænitas? fructuum copia? dulces fontes? colles aprici?
flumina vaga? Hæc hæc sunt, altissimi viri, caduci cor-
poris commoda; hæc sunt temporis ludibria; hæc in manu

fortune posita; hæc vetustate consenescent, ac obruuntur; hæc, ut minima, studiosi virtutis, huius nobilissimæ ciuitatis, libentissimis animis abiecerunt; Propterea quòd alta, magnifica, diuina, totos dies præstanti mente, suspiciunt, ac intuentur beati. Hæc ut umbras ciues Ferrarienses neglexerunt: cum animos ad cursum gloriæ consequendum: ad lucemq; sui principis fruendam erexerint felices. Hæc ut leuia, Alfonsus princeps vester illustrissimus, in minimis posuit: qui totus est in seditionum fluctibus sedandis: totus in tranquillitate ciuium conseruanda: totus in republica, bonis animi amplificanda, fortunatus. Quòd si dandum est aliquid, hisce vitæ commodis: hisce ingenij, naturæq; ornamentis: ut dandum est; quoniam corpore constamus, nedum immortalis animæ: modicè iuuenes, modicè, vel potius intra modum, hoc faciendum puto; atq; in hoc, ut cæteris in rebus, Ferrariensium prudentiam singularem, imitandam censeo. Hi enim, cum maiorem animi; quàm corporis, rationem ducant: cumq; veram laudem, in virtute positam, contemplantur; non elaborant, ut delitijs, Neapolim vincant: amœnitate, Veronam: vbertate, Mediolanum: mercibus, Venetias: pulchritudine, Florentiam; at in hoc, omni cura, cogitationeq; incumbunt: ut cum Roma, sanctitate: cum Bononia, virtutibus: cum Pisau

ro, armorum præstantia, incredibili sua gloria decertent. Quid post hominum memoriam gloriosius, sanctitatis contentione? Quid splendidius, virtutum certamine? Quid armorum decertatione, fructuosius? Sanctitate, patres, mores componuntur; virtutibus, adolescentes, mentes exornantur; armis iuvenes, animi corroborantur. Sanctitate, patres, debiti cultus, Deo Optimo maximo persoluntur; virtutibus, adolescentes, honores bene meritis de virtute, tribuuntur; armis iuvenes, salus civium, atq; fortune conseruantur. Hæc sunt mœnia hominum firmissima; hæc sunt munitissima, civium propugnacula; hæc ornamenta civitatum. Vnde nam Ferrariæ propagatio? Vnde civium splendor? Vnde populi tranquillitas, & conseruatio? Num fortasse, à delitijs: quibus homines effæminantur? Num à magnificis ædibus: quibus homines inflantur? Num ab opibus: quibus otio languescunt homines? Nihil minus: nihil minus ciues. Vnde nam igitur? Vnde nam? Dicam, patres, atq; iterum, clara voce dicam; à sanctitate: à rerum altissimarum cognitione: ab armorum excellentia. Sanctitate enim, vires confirmantur; virtutibus, civitates illustrantur; armis fines patriæ propagantur. Fuit olim hæc civitas, Ferrario la (rerum enim principia, parua sunt ab initio) iam verò, facta est Ferraria, tam magna, potens, ac splendens.

da: Ut magnitudinem, finitimi, iniquissimo animo ferant; potentiam, exteræ nationes admirentur; splendore, ciues viui perfruantur. Abundauit olim ferro Ferraria; iam verò, tantis opibus floret: Ut templa Dei, Deo Optimo, Maximo, maxima extruxerit; Ut domos, ac ædes splendidissimas edificarit; Ut viros, omni virtutum genere cumulatos, aduocarit. Subdita olim fuit, culpa temporum, Ferraria; iam verò, multis & oppidis, & ciuitatibus dominatur; atq; ita dominatur: Ut prudentia, se ipsa conseruet; pietate, Deum Optimum Maximum colat; iustitia, ciues, & socios, ad sui beneuolentiam, in dies magis alliciat. Audite ciues, audite felicitatem vestræ ciuitatis, audite inquilini. Deus Optimus Maximus Ferrariam condidit; conditam, fortuna secunda nutriuit; nutritam, virtus ciuium amplificauit. Quotus enim quisq; vestrum est, qui non perspectum habeat: ea Dei voluntate geri: quæ auspiciò geruntur? Quid? nonne auspiciò fuit condita Ferraria: si ad Padum fluiuium fuit condita? hic enim, cum cætera flumina regat, & gubernet: Ferrariam multarum ciuitatum dominam futuram præsagiuit. Quid? nonne bonis aui-bus fortune, nutrita Ferraria: si diuitijs, & opibus florentissima, in omni rerum abundantia viuuit? nonne virtute ciuium amplificata: si armis Ferrariensium, est vi

rium, nobilitatis, ac præstantiæ tantum, quantum videtis consecuta? Quid sibi volunt imagines illæ principis Ferrariensium: quas in oculis ciuium viuere videmus? Quid sibi simulachra, illa maiestatis plenissima? Quid statua ille æqueſtres, in excelſo illuſtriq; loco poſita? Dicite iuuenes: qui à maioribus accepistis; dicite ſenes, qui annales legiſtis; dicite ciues, qui veſtris principibus, fidem ſanctiſſimè ſeruastis. An hoc nobis ſignificare volunt, veſtros principes, rerum geſtarum gloria, præ cæteris flouriſſe? arma pro libertate Italiæ, contra Imperatores ſumpſiſſe? fortunas, liberos, vxores, pro ampliſſima pontificum dignitate, in maximum diſcrimen adduxiſſe? Conſeruat memoriam Azzi quarti, principis veſtri, atq; in perpetuum conſeruabit Verona ciuitas florentiſſima; quæ per illum, ex Ezelini crudeliſſimi tyranni faucibus erepta fuit: atq; in priſtinam libertatem vindicata. Conſeruat memoriam Bertoldi principis Ferrarienſis, & Roma ſanctiſſima; propterea quòd per illum vidit, & Henrici Imperatoris, fractum furorem: & Paſqualium pontificem clementiſſimum, cum maiestate, ſibi, ac bonis omnibus reſtitutum. Quoties huius nobiliſſimæ ciuitatis principes, impetum barbarorum ſuis corporibus, & animi fortitudine retardarunt? Quoties illis arma de manibus extorſerunt? Quoties proſligarunt; ne iuga ſeruitutis

tis acerbissima, liberis Italorum ceruicibus imponerentur?
 O, Romana pectora, videre videor, auditores humanissi-
 mi, non principes Ferrarienses: at Decios: at Curtios: at
 Coclites, pro libertate patriæ, pro Italiæ maiestate, fortu-
 nas, sanguinem, vitam omnibus dulcissimam profun-
 dentes. Quæ cum literis mandata lego, adducor facile ci-
 ues: Ut existimem Ferrariam, non à Ferrato conditore,
 non à ferro, quod olim pro tributo persoluerint maiores
 vestri: sed à ferro, quod peritè, fortiter, & prudenter
 ciues, ac duces Ferrarienses tractarint, à maioribus fuis-
 se nuncupatam. Prudentissimi fuerunt igitur, duces ve-
 stri, in Republica benè gerenda; fortissimi in amplifica-
 da; qui quidè, ut florentissimam ciuitatem, omnibusq; co-
 pijs, & virtutis, & diuitiarum circumfluentem conser-
 uarent: eam vinculo religionis arctissime, constringen-
 dam curarunt; sua nanq; incredibili sapietia, aliarumq;
 ciuitatum periculo, perspectum habebant, & cognitum,
 non opes, non delicias, non imperia, non munitissima
 mœnia, sed religionē solam, solam religionem, qua ter-
 rena cœlestibus coniunguntur, plurimum virium, atq;
 firmamenti habere, ad respublicas, in perpetuum con-
 firmandas. Spartiatæ, quoad legibus sanctissimis Ligur-
 gi, quibus iureiurando astricti tenebantur, non se penitus
 exoluerunt: & fortuna belli bellicosissimi, & urbis
 felici-

felicitate felicissimi: ceteras Græciæ ciuitates supera-
runt. Cum verò, Dei iusiurandum impiè violarunt: fi-
demq; datam Ligurgo, perfidè sefellerunt: tum demum,
illorum benè constituta Respublica stans, dilapsa cecidit:
tum ciuitas, optimis legibus deuincta: mala viuendi ra-
tione, peccandiq; consuetudine, est penitus dissoluta. Sy-
baris vrbs magnæ Græciæ, Sybariticis conuiuijs celeberrima,
licet auro, licet gemmis, delitijsq; redundaret: à
Crotoniatis tamen, cum parui Deum faceret: delitias
verò plurimi: est, & opibus, & imperio, non modo la-
befactata: at suis quoq; sedibus cōuulsa. Quid quòd Ro-
mani, ceterarum nationum prudentissimi, de medio
sublato Romulo, Numam Pompiliū, virum Sabi-
num, priuatum hominem, in suum regem optarunt, &
legerunt? An vt quam ciuitatem, Romulus bellicosus,
armis erexerat: eam, Numa Pompilius, religionis
amantissimus, religione confirmaret? Quid quòd, hæc
ciuitas (vt nimis antiqua præteream) per suos duces, in
optimo statu collocata, amplissimis honoribus abundans,
rerum gestarum gloria, quàmque maxime florens, de
statu, quem nunc retinet amplissimum, non insidijs, non
armis, non bello dimoueri potest? An hoc fortune tri-
buemus? at nihil inconstantius; an copijs, & opibus? at
nihil turbulentius; an corporis voluptatibus? at nihil per-
niciosius

niciosius. Cui nam igitur rei? cui nam, primas, in re tanta deferemus? cui? religioni sanctissima, ciues; quæ, cū sit Dei domum, è cælo, in terras, ad hominum vtilitatem delapsum: ciuitates firmat; propulsat pericula; insidias detegit; impetum reprimat; hostes dissipat; coniurationes indagat, inuenit, patefacit: Deus enim, Optimus Maximus (ò admirandam religionis potentiam) Deus Optimus Maximus, (quæ sua est, in homines benignitas) illarum ciuitatum curam, & patrocinium libenter suscipit: quæ se totas illi, in seruitutem tradunt; quæ religionem, sanctissime colunt; sacra, summa cum pietate, consciunt; meritam verò gratiam, suo diuino numini, libentissime persoluant. Vos, vos igitur, beati Ferrarienses: beati? immo verò beatissimi; qui ne, quid vobis, ad bene, beateq; viuendum deesse posset: religione, qua vestri principes vos astrinxerunt, non modò exolui noluiſtis vnquam: at ne relaxari quidem. Vos, vos felices Ferrarienses; felices? immo verò felicissimi; cum eos principes, iam inde ab initio, semper naſti fueritis: qui vobis non leges duras, ac intollerandas, per vim imposuerint; at vos legibus, cū humanis, tum diuinis, à religione, quasi quodam terreno sole manantibus, illustrarint, exornarint, inflammarint. Quid ita? Nimirum, vt humanis quidem legibus, ad præclara facinora,

vobis

Vobis aditus pateret; diuinis Verò, Vt ab humanis rebus, & ijs quidem turbulentissimis, ad cœlestia tranquillitatis plenissima, per alas charitatis ardenteis, vobis letius conuolare liceret. Res benè cecidit, ciues, Vt video: res benè cecidit; siquidem humanarum legum splendore, ex Ferrariensibus nonnulli, gloria commoti, Vt iniuriam à ciuibus propulsarent: à patria Verò periculum, ab initio vitæ, armis se totos tradiderunt, atq; ita tradiderunt: Vt progrediente ætate, armis imperarent. Res benè cecidit, ciues; siquidem, alij honoris cupiditate inuitati, rerum altissimarum cognitionem, Vt se, suamq; patriam, maximis ornamentis afficerent, ingenio, labore, doctrina sunt consecuti. Res benè cecidit; alij nanq; diuinarum legum ardore inflammati, ad vitæ sanctitatem, è perniciosæ voluptatis manibus elapsi, leti demigrarunt; Vt cum Dei iussu, ex hisce corporis custodijs laxati euolarent: possint finem suum, in cœlis constitutum, & iocundè, & in perpetuum contemplari. Primis igitur, tanquam bonis ciuibus, debitam gloriam tribuemus. Secundis honorem; Vt virtutis mercedem, ac præmium. Tertijs Verò palmam reseruabimus; quippè qui, spreta gloria, honoreq; mundi contempto, omnem suam curam, operam, diligentiam, spem, mentem deniq; totam, in Deo Optimo Maximo, ponendam putarint. Laudo pri

mos : ob animi altitudinem ; Veneror secundos : ob ingenij præstantiam ; Ad cælum extollo tertios : ob morum sanctitatem. Celebrarem libenter , hoc loco , ciues humanissimi , *Alfonsum Villam ; Antonium Mariam Campanilium ; Ioānem Paulum ; Ioannem Thomam Lebetios , duces præclarissimos ; celebrarem memoriter , & iucundè , Herculem Cōtrarium ; Theophilum Calcagninium ; Alfonso Taſsonium , comites illustres : rei aut militaris , duces peritissimos ; tollerem in cælum , non inuitus , Cornelium Bentiuolum : cum suis fratribus ; ut alterum , in administranda re bellica , Scipionem Africanum ; tollerem , & dominiū Franciscum Estensem : non modò duces , præfectumq; militum , ob armorum tractationem , consiliaq; bellica illustrissimum : at etiam , virum rerum admirabilem , & occultarum cognitione , præstantissimum ; at oratorem non decet , non decet oratorem , absq; temeritatis nota : coram Annibale , de armorum tractatione , de Martis præstantia , sermonem habere ; & si ornatè , grauiter , & illuminatè , hoc se facturum speraret. Illustrarem laudibus , si possem , Cælium Calcagninium ; Peregrinum ; Priscianum ; Gregorium , & Ioānem Baptistam Giraldios ; Ioannem Mariam Riminaldium ; Ludouicum ; Catonem ; Ioānem Cephalium ; Franciscum Belencinium ; Ioannem Roncagallium ; Martū*

*Brunum Anguillium; Antonium Mariam Cananij;
 Antonium Musam Brasaolam; Vincentium Mag-
 gium Brixientem, philosophum hac nostra tempestate,
 celeberrimum: Verum cum nondum, hac mea tenui elo-
 quentia, tantum splendorem verborum sim consecutus:
 quantum illi, virtute, ac rebus præclarissimè gestis: hoc
 onus, quod animi infirmitate, mentisq; obscuritate ferre,
 ferre? immò amplius sustinere, non possum: summis ora-
 toribus, qui plurimi sunt, in hac doctissimorum homi-
 num frequentia, libentissimè imponam. Suscipite Igitur,
 ciues Ferrarienses, quibus res gestæ vestrorum ducum,
 somnium adimunt, ut Themistocli, Miltiadi trophæa,
 suscipite onus, arma laudandi; vestrarum virium est:
 vestri roboris, ac nervorum; vos enim, vsum armorum
 percalletis; vos (quod singulare est, ac summè gloriosū)
 ingenio, doctrina, eloquentiaq; plurimum valetis. Susci-
 pite Cynthij: suscipite Pinij: suscipite Guarinij: qui alta
 semper contemplamini: qui ætatem in dicendo consum-
 pstitis: qui Vincentium Maggium, interpretem naturæ
 disertissimum admiramini; Antonij Cananij, ut alte-
 rius Aesculapij curationes obstupefcitis; Qui Antonij
 Musæ Brasaole, toties Romam, a summis Pontifici-
 bus, ob illorum valetudinem curandā accersiti, excel-
 lentiam singularem memoria tenetis. Suscipite virtutis*

extollendæ, partes; *Vestri ingenij est; Vestra dignitatis: Vestra eloquentiæ singularis.* Vos enim *Ludovicum iuris peritum, ut tertium Catonem, de cælo delapsum suspicistis.* Vos *Roncagallij scripta doctissima, quotidie præ manibus habetis.* Vos *Francisci Belencinij, cum elegantiam, tum eximiam doctrinam percepistis; Ioannis Mariæ Riminaldij prudentiam, in existimando cognostis; fidem, ac amorem Cephalij, in consilio dando, experti fuistis; Marci Bruni Anguilij consilia, tanquam Apollinis Pythij oracula, custoditis.* Vos *Prisciani, Gregorijq; historia delectamini.* Vos *Cælio Calcagninio, literis, cum grecis, tum latinis perpolito, ut mortuo memoriam, ut ciui beneuolentiam, ut erudito honorem debitum præstatis.* Preteribitisne silentio, *Oratores Ferrarienses, Ludovicum Ariostū, vestrū ciuem: virum ob diuinā virtutem, diuinis laudibus efferendum? Hic ter APISTOS hic ter APISTOS, & dici, & haberi debet.* Nam si vos *vestrosq; principes, suis carminibus, in cælum sustulit: si tibi Ferraria, illi dulcissima patria, immortalem gloriā cōparauit: nonne Ariostus APISTOS ΠΟΙΗΤΗΣ est nuncupandus? si comitate suos omnes, semper est complexus: si humanitate, illos humanissime tractauit: nonne Ariostus APISTOS ΑΝΘΡΩΠΟΣ est habendus? si suū principē, in hoc genere Reipublicæ cōstitutus, summa semper obseruā*

tia coluit: nōne Ariostus ΑΡΙΣΤΟΣ ΠΟΛΙΤΗΣ est appellan-
 dus? Quod si Roma extulit se magnificè, ob Catonē ter-
 optimum: & Ferrara non demittet caput: non se pro-
 sternet: non iacebit, vt misera; at vt felix erigetur: Sta-
 bit: extolletur, ob Ludouicum, qui optimus vir fuit:
 optimus poeta; optimus ciuis, & patriæ salutaris. Po-
 tuit vtiq; in humanitate socios habere Ludouicus; po-
 tuit, & in ciuis officio; at in eiusmodi carminibus singen-
 dis, nemo nisi longè ab illo superatus, in illius societatem
 se obtulit. Hæc, gigitur laus, quæ summa est, & amplissi-
 ma: tota sua est; nihil ex ea ciues, nihil inquilini, nihil
 finitimi, nihil alieni decerpere potuerunt; hanc sibi totā
 sumpsit Ariostus; hanc sibi suo iure vendicauit. En vo-
 bis Igitur, Ferrarienses, vester Ludouicus: tantopere ab
 eruditissimis laudatus; & si nunquam satis digne lauda-
 tus; en vobis vester Ludouicus; qui plus laudis suo poe-
 mate, in vestram ciuitatem inuexit: quàm gloriæ The-
 mistocles Athenas, sua victoria importarit. En vester
 Ariostus ΑΡΕΟΣ ΣΤΟΜΑ, os Martis; qui in ca-
 nendis bellis, ita festiuus, ita elegans, ita concinnus fuit
 grauis, doctus, atq; illustris: vt si eum comparare velis
 quocum ipsum conferas, inuenias neminem. Hunc præ-
 manibus, semper habent pueri: vt ediscant; hunc ma-
 tronæ habent: vt mirentur: hunc adolescentes: vt in lau-

de ponant : hunc iuuenes : vt fructum percipiant ; hunc senes : vt se oblectent. Prodest Igitur , & delectat Ariostus , vt quouis poeta ; docet in suis carminibus : vt grauiissimus philosophus ; permouet , vt venustissimus orator. Præteribitisne silentio (Oratores grauiissimi) Franciscum Visdominum : Ioannem Mariam Verathium : Cesarium Tassonium : Iacobum Philippum Androphilum : Philippum Nigrisolum , viros , & religione , & vinculo virtutis obstrictos : Præteribitisne Antonium Becarium : Felinum Sandeum : Ioannem Sanctium , Episcopos sanctitatis plenissimos ; quos Ferraria procreauit ; nutriuit Bononia ; tota verò Italia , ob mores sanctissimos , singularemq; doctrinam , excepit , audiuit , admirata fuit ? Legite quæ sò scripta Ioannis Mariæ Verathij , Carmelitæ ; legite docti ; tum demum , quanta fuerit grauitas viri : quanta literarum interiorum cognitio : quam semper bene de Christi religione senserit : optimeq; meritis fuerit : facile perspicietis. Legite Orationes Iacobi Philippi Androphili : qui fuit nostræ societatis pater ; omni celebratione dignissimus ; legite Orationes : quas Romæ , in Collegio Cardinalium , coram summo Pontifice , diuersis temporibus habuit ; tum demum , morum integritatem viri , sapientiæ admirationem , scientiæ cognitionem , prudentiæ laudem , animi altitudinem , oratio-

nis numerum, compositionis lumina, delectum verbo-
 rum, sententiarum grauitatem, cognoscetis. Hunc Vigi-
 lantes Episcopi, Viri, dicendi Venustatem adamantes, ita
 benigne, attenteq; audiebant: Vt vix auderent, ipso di-
 cente, respirare. Hunc amplissimi Cardinales, Vultus
 maiestate capti, Vocis suauitate fruentes, dicentem ita
 mirabantur: Vt non Androphilum dicere, at Demosthe-
 nem, at Ciceronem reuixisse putarent. Hic locus ad di-
 cendum amplissimus, ad disputandum etiam, maxime
 accomodatus, hæ sacratissimæ columnæ, hi parietes, an-
 tiquitatis pleni, reuocant ad memoriam duo lumina, pro-
 bitatis, & doctrinæ, huius nobilissimæ ciuitatis, Cesa-
 rium, & Philippum, nostræ religionis Doctores, quàm
 maxime celebratos. Quorum alter, nempe Cæsarius, stu-
 dio politioris humanitatis excultus, sacris literis eruditus,
 omnibus doctrinis expolitus, cum in otio cum dignitate,
 summaq; populi laude versaretur: etiam suis sanctissimis
 concionibus, in negotio sine periculo, in optima republi-
 ca, beatus versari voluit. Itaq; Fidei, Spei, Charitatis
 presidio munitus, cæterarumq; Virtutum comitatu se-
 ptus, in hanc concionem, in hanc, patres, quæ grauissi-
 mis, doctissimisq; Viris tantum patet, expectatus omni-
 bus ascendit, tanto populi concursu: Vt hoc pauimentum,
 Vt hæc sacella, hi fornices, vestibula, aditus, gradus.

quoque templi, certatim complerentur. Flagrabant omnes ardenti desiderio videndi Cesarij; ardebant omnes; incredibili cupiditate illius audiendi; atque suis sanctissimis concionibus, auidè perfruendi; tanta fama, de viri doctrina, deque eius probitate, oras totius Italiae, ne dum fines Ferrariæ peragrarat. Non fuerunt maiores vestri (ciues humanissimi) non fuerunt spe, quam de Cesario habebant, decepti; non falsi opinione; siquidem Cesarius expectationem, quam sui concitarat, non modò sustinuit: at eam quoque incredibili virtute superauit. Quot enim mulieres impudicæ, è cursu turpitudinis, ad honestatem, Cesarius voce reuocauit? Quot perditos adolescentes, ad animi sanitatem? Quot belluones, ad vitæ continentiam? Quot effæminatos, ad animi fortitudinē? Quot homicidas, ad ciuium salutem? Hic ille Cesarius, (testificamini patres,) qui suis concionibus, vestris animis, medicinam salutarem adhibuit; Hic ille Cesarius (testificamini senes) qui reorum saluti, sua incredibili diligentia consuluit; hic ille Cesarius, qui pestilentium hominum rationibus, sua pietate singulari prouidit. Alter Verò, nimirum Philippus, subtilissimus, acutissimisque disputator: cum dialecticorum acuminē, philosophorum scientia, theologorum sapientia, valeret plurimum: erat in concertationibus virtutis, & gloriæ, qua, vel optimi

quiq; ducuntur, promptius ad refellendum: paratus ad
 respondendum: expeditus ad laceſſendum; hic nunquā
 ad certamen virtutis prouocatus fuit, nunquam prouoca-
 tus: quin libens, in hanc adē ſacraſſimam acceſſerit,
 accurrerit, aduolarit; hic nunquam, in diſputando la-
 ceſſitus: quin aduerſarios, vobis ſpectantibus momorde-
 rit, vexarit, dilacerarit. Date Patres: qui illum no-
 ſtis: date Senes, qui illum audiſtis: date debitum, illius
 virtuti teſtimonium: redite in memoriā tanti viri; vos
 enim in diſputationibus publicis, in comitijsq; Generali-
 bus fratrum, hic habitis, vos illum, veſtrę ciuitatis ho-
 neſtandę cauſa, in hoc templum duxiſtis; vos victorem
 vidiſtis: vos quaſi imperatorem laurea coronatum, ac
 triumphantem, maxima celebritate ciuium, ſummis po-
 puli acclamationibus, tubis etiā victoriā canentibus,
 domum ad nos, tanquam in Capitolium inuexiſtis. Nū-
 quam tacitus præteribo Franciſcum Viſdominum, ciuem
 Ferrarienſem, diui Franciſci ſectatorem: virum illuſtri
 laude celebrandum; tanta eſt enim morum ſuauietas hu-
 ius viri, in quotidianis conſuetudinibus: tanta copia in do-
 cendo: tanta iucunditas in delectando: vis tanta in per-
 mouendo: vt hunc, non Pomponium Atticum: non
 Platonem: non Iſocratē: non ipſum Demothe-
 nem imitari, at hos omnes, longē ſuperare dicas; Quis enim,

*Vitæ iucunditatem Francisci Vifdomini; Quis suauita-
 tem sermonis, Quis colloquia grauiſſima, ſingularemq̃
 doctrinam, non amet: charam habeat: ac omnibus, cor-
 poris voluptatibus anteponat? Quis conciones Franciſci
 ſplendidiſſimas, animi plenas, plenas ſpiritus, venuſta-
 te conditas, auditorum voluntates, quò velint impellen-
 teis, vnde velint, etiam deducenſeis non admiretur, ſu-
 ſpiciat, laudet, atq; deſideret? Mitto nunc Neapolita-
 nos, viros optimos, ciues illuſtriſſimos: qui, quòd homi-
 nes nati ſint, ſe beatos arbitrantur: quòd Neapoli, fortu-
 natos: quòd Franciſci tempeſtate, felices. Mitto Me-
 diolanum, ciuitatem opulentiſſimam: quæ multos ab hinc
 annos, iniurijs temporum iactata, ſolitudinibus vexa-
 ta, ſuis opibus oppreſſa, quoad altam Franciſci eloquen-
 tiam audiebat: miſeriarum oblita, recreabatur, reuiu-
 ſcebat letabatur; mitto Romam ſanctiſſimam ciuitatē:
 quæ cum Franciſci deſiderium ferre non poſſet amplius,
 illum optauit, expetiuit, accerſiuit; venit Romam, nō
 modo charus Epiſcopis: qui iucundiſſima illius conſuetudi-
 ne fruebantur: at Cardinalibus quoque iucundus, qui lo-
 quenti eius ſapientie, ampliſſimi, ampliſſimum honorem
 tribuebāt; Mitto Venetias, decus, ac ornamentum, im-
 mò ſolem ſplendidiſſimum totius Italie: quæ ſic auidē,
 Franciſcum dicentem arripiebant: quaſi diuturnam ſa-
 mem*

mem, diuine illius eloquentiæ, explere uellent. Te alloquor Bononia dulcissima patria, ciuitas amplissima: te alloquor bonarum artium procreatrix amantiſſima, tibiq; ut debeo gratulor: quæ cum Franciſci eloquentiæ, non ſatietate, at maiore deſiderio tenereris: illum ſinu tuo, leta, triumphansq; recepiſti; atq; ita, ut è complexu, eum abſtrahi non patiaris: tantum abeſt, ut è ſinu dimittere uelis; laudo; Bononia tuam ſententiam: probo conſilium: admiror prudentiam; tu enim, quæ ſapientia, eloquentia, opibus, animi altitudine, atq; liberalitate uales, ut cum maximè: ut eodem itinere, atq; curſu (ut aiunt) duo negotia conficeres: & Franciſcum Ferrarienſem, ciuitate donare, honoribusq; complecti uoluisti: & per illum, Ferrarienſes, quibus cum amantiſſimè uixeras, tibi in perpetuum deuincire. Quid dicam de Felinio Sando, Antonio Beccario, Ioanne Sanctio, ciuibus Ferrarienſibus: quos non opes tumide, non aura popularis, non cæca Fortuna, at illorum ſingularis probitas, optimum ingenium, exquisitiſſimaq; doctrina, ſummis Epiſcopatus honoribus decorauit? Quid de Hippolyto Eſtenſi, Cardinali ampliſſimo, cuius altitudo, maietas, amplitudo, non dico Ferrariæ, at Romæ, at Senis, Florentiæ, Mediolani, Bononiæ, at in tota Italia, in vniuerſa

Gallia, quasi lumen quoddam diuinum splendet, ac celebratur? frequentant eius domum splendidissimam, illustres viri, Equites, lectissimi, nobilissimi Comites, episcopi omni vitæ sanctitate integerrimi; aluntur in eius lautissima domo, tanquam in Prytaneo, viri virtutibus omnibus exornatissimi. Alitur hic Gabriel Cesanius, studio philosophiæ præstantissimus: ob ætatem, eximiamque virtutem, omni admiratione dignissimus; alitur hic ciuis noster, Ioannes Antonius Lucatellius, iuuenis optimus, scientissimus philosophus: quem, nisi suspicionem adulationis vereretur, non auditorem Buccaferreæ, at alterum Buccaferreæ, ubique locorum, verissime prædicarem; alitur hic Ioannes Baptista Nicolutius, græcarum literarum peritissimus: quem si Apollonius Rhodius audiisset: ut doluit, imperium, per duces Romanos, Romanam inuectum, eloquentiamque per Ciceronem: sic doluisset, literas græcas Ferrariam, per Ioannem Baptistam importatas; aluntur & summo cum honore, alij quam plurimi, temporis defectione, nunc silentio prætermittendi. Reuixerunt per te, illustrissime Hippolyte, reuixerunt in hac ciuitate, Athenæ bonarum artium & disciplinarum inuentrices; reuixerunt studia philosophiæ grauißima; reuixerunt, & conuiuia Platonica, corpus epulis suauissimis, animum verò, grauißimis dissertationi-

rationibus nutritia. O si videam, antequam moriar, ò, si videam, post Pium pientissimum, nostrumq; sanctissimum Pontificem, te reipublicæ christianæ clauum tenentem: ac in puppi, cum maiestate sedentem: videbo etiam, summa cum animi voluptate, & meis, & Ferrariensium optatis, fortunam respondisse: & te hoc amplissimo gradu, tuaq; virtute propè diuina, cæterorum quidem omnium fortunam, longè superasse. Sed de cursu orationis, me defleunt viri sanctissimi huius nobilissimæ ciuitatis, rerumpublicarum non modo lumina præclarissima, at perpetui quoq; ciuitatum, benè constitutarum seruatores. Delapsus, delapsus fuisset, ciues: hoc imperiū tametsi seueris legibus sit deuinctū: nisi diuus Romanus in calamitatibus, ei, rogatu bonorum, suis precibus ad Deum, subuenisset; Cecidisset hæc vrbs, tametsi munitissima nisi diuus Albertus illius, perpetuus intercessor, eam suis deprecationibus tenuisset; arma vobis, & robustissimis, & fortissimis ciuibus, de manibus fluxissent: at diuus Georgius vestri patronus, & custos amantiissimus, vobis manus, & animos, semper confirmandos curauit. Quid? nonne Maurelius, olim vobis Episcopus in terris, nunc in cælis perpetuus deprecator, nonne plurimo adiumento vobis, & huic ciuitati fuit: si vos tanta vigilantia custodiuit? si vestras animas fide armauit?

spe

spe incendit? charitate inflammavit? Male male, ne di-
 cam pessime, cum vestris animis, male cum vestra ciui-
 tate actum fuisset: ni Maurelius, huius templi parietes,
 huius ciuitatis domos, huius Urbis mœnia, cultu Dei
 amoreq̃ circumuallasset. De quo viro sanctissimo, inau-
 ditum à vestris maioribus audiui, vobis, iuuenes, inau-
 ditū referam: vt ciuitatum conseruationes, non princi-
 pum potentie, non senatorum opibus, non vigilantia ci-
 uium, non ducum prudentie, non armis militum, non
 fortune temeritati; at religioni, at probitati, modestiæ,
 precibus, sanctitati, acceptas referatis. Maurelius cum
 in æde diui Georgij, quodam die, rem diuinam Deo Opti-
 mo Maximo faceret: v̄sitata bonorum frequentia stipa-
 tus: vox & manus, (erigite aures, ciues amantissimi,
 erigite animos: adhibete diligentiam: adhibete fidem ora-
 tioni; hæc non egrotorum insomnia, non vetularum fa-
 bula, non poetarum confictiones, non vulgi rumores: at
 Dei mirabilia, à grauissimis viris, posteritati, atq; lite-
 ris commendata) vox & manus. [inquam] magno si-
 lentio, omniumq̃ stupore, in oculos ciuium, & aures
 delapsæ sunt de cælo: manus, spectante populo, populum
 vniuersum, signo Crucis sanctissimo muniuit; vox ve-
 rò, audientibus omnibus, a lre intonuit: Quoniam, Mau-
 reli, terrenas diuitias, obscænas voluptates, opibus cæle-
 stibus

stibus, ac cæli triumphis, inferiores duxisti: letaberis cū
 angelis; locupletaberis in cælis; Vbi summo otio, perpe-
 tua tranquillitate, sempiternaq; beatitate, beati beatissi-
 mē perfruuntur. O, ter felices Ferrarienses; nonne felices:
 si Dei vocem exaudierint? Si signo Crucis, Christi bene-
 uolentiam sibi conciliarint; si manum illam viderint;
 quæ cælum, quæ terram, quæ mare, ex nihilo, ex nihi-
 lo, Philosophi, procreauit? Ex qua quidem manu, ma-
 nauit huius ciuitatis conseruatio; ex qua manu, mana-
 uit huius imperij amplificatio; ex qua, manauit horum
 ciuium felicitas, pax, otium, & secunda belli fortuna.
 Quid Igitur mirum, si hoc imperium tandiu permanet:
 ac in dies magis, temporis diuturnitate confirmatur? Do-
 mini est terra, & hoc imperium. Quid mirum, si stat
 hæc Vrbs, cum dignitate, floret cum honore? Dominus il-
 lam exædificauit. Quid mirum, si in hac ciuitate, ab
 armis non discedunt iuuenes, non senes à consilio, non
 boni à precibus, non ciues à vigilantia, non princeps ab
 æquitate? Dominus tuetur, atq; custodit hanc ciuitatem.
 O, singularem huius Vrbs beatitatem: quam non opes
 pernitiöse, at sanctæ leges, non molles delitiæ, at duræ
 scientiæ, non ceca Fortuna, at oculi Domini, summa vi-
 gilantia custodiunt. O, inauditam, huius ciuitatis felici-
 tatem. Quid? nonne felix Ferraria, si natura dux vi-
 tæ opti-

tæ optima ciues *Ferrarienses*, ad honestatem excitat? ex
 citatos consuetudo incendit? incensos *Ratio* dominans, in
 homine, inflammat? Quid? nonne felix *Ferraria*, si in eo
 genere rei publicæ est constituta: quod ad Dei gubernatio
 nem, proximè accedit; atq; illi est quam simillimū? Ut
 enim, unus Deus rerum omnium dominator æternus, cœ
 lum, Terram, Mare, & omnia, nutu, & incredibili
 providentia, regit: sic unus *Alfonsus*, princeps *Vester*
 illustrissimus, *Iustitia*, & æquitate, cuncta huius ciui
 tatis regit, & gubernat: Deo cultum debitum adhiben
 do; ius suum cuiq; tribuendo; iniurias propulsando; Quid
 post homines natos melius, quid splendidius, quid *Uti
 lius Iustitia*, in viro principe, desiderari potest? Siqui
 dem *Iustitia*, à Deo delabatur in terras: Ut mentes ho
 minum extollat; pietatem erigat; religionem conseruet;
 ciuitates è paruis, magnas faciat; è seditiosis pacatas; è
 miseris fortunatas; *Iustitia*, patres, iacentem libertatem
 erigit; dignitatem ciuium, vel animam effluentem, ad vi
 tam reuocat; ciues beneuolentia coniungit: subditos ob
 temperantes facit; at principes, & illustrissimos, & ius
 te imperantes. Sol Igitur huius ciuitatis, & sol quidem
 splendidissimus est ob suam *Iustitiam* *Alfonsus* princeps
Vester illustrissimus: qui sua altitudine, vos exornat;
 suo splendore, vos illustrat; suo calore, vos nutrit; sua
 incredi

incredibili prudentia, vos gubernat; dum hæc cogitas, paras, atq; facis, princeps illustrissime. num tibi, an patriæ, an tuis ciuibus, te procreatum credimus? Nonne iurè, te admirari, te suspicere, te laudare, te parentem patriæ appellare debent uniuersi: si tuas aures iustissimas, omnium querelis patefacis; bonorum animos afflictos recreando; diffidentes confirmando; cunctantes excitando. Ne uiuam, ni te, huius ciuitatis viri omnes iustissimū prædicant: ni te, ad suam ipsorum vtilitatem, de cælo delapsū consitentur. o felix Ferraria, ob Alfonsi principis æquitatem; Quid, si florens, ac beata? Exultate Igitur, gaudio pueri; gæstite adolescentes; letamini iuuenes; gaudete senes; quando eum principem naçti fuistis: qui sua iustitia, sanctissimos mores, ad perniciem delapsos excitauit; qui res vestras afflictas subleuauit; abiectas, florentes fecit: secundas verò, splendidissimas. Rediuit, rediuit, auspice Alfonso, duce Alfonso, dicam ciues, nonnullorum pace, Rediuit in vestram ciuitatem, ne scio quo fato, quæue calamitate, dimissa Iustitia; rediuit & aureum illud seculum, omnibus expetitum, heroicis temporibus, tantopere laudatum; Iam plena sunt omnia lenitatis, & clementiæ, iam omnia mansuetudine, splendore, humanitateq; ob principis æquitatem florèt; nunc Ferraria: tibi ventū sunt secundi, nunc tibi sere

na omnia, & pacata nunc omnia tranquillitatis plena,
 hac aurea aetate rident; Vbi enim Iusticia (dicite iuris-
 consulti) nonne ibi, & constans, & perpetua volun-
 tas est, ius suum cuique tribuendi? Vbi Iustitia (dicite ci-
 ues) nonne ibi portus est miserorum, ac per fugium? Vos
 appello philosophos, Vbi Iusticia: nonne ibi mansuetudo,
 lenitas, clementia, ceteraque virtutes regnant: si sunt ar-
 etissimo necessitudinis vinculo, inter se colligatae? In hac
 vestra ciuitate, in hoc aureo seculo, Alfonso florente, cui
 nostra Religio, se totam tradidit, & commendauit:
 Nostri Patres, conuentum generalem habere voluerunt:
 Vt Alfonsi clementia, ciuium lenitate, diuitum splen-
 dore, bonorum mansuetudine, Doctorum humanitate, sin-
 gularique doctrina fruerentur: Cuncta illis, & prospere,
 et feliciter obtigerunt: atque ita, Vt felicius res exoptari non
 potuissent. Quare immortalis, vobis, vestroque principi,
 beneficio deuincti Nostri Patres, & tanti beneficii me-
 moriam, quoad vixerint, conseruabunt; & in patriam
 ventis, ac remis redire properantes: Vbique locorum, ve-
 stram doctrinam, vestram liberalitatem, principis cle-
 mentiam, magnificentiam, aequitatem, cum sermone,
 tum literis, non inuiti celebrabunt.

E Rat mihi in animo, quasdam voces græcas, quæ in hanc Orationem apte cadere visæ sunt, literis, uti par erat, græcis, mandare. Verùm cum apud Typographos Bononiæ, characteres græcos non inuenerim, præter hos paulo maiores, & eos quidem suis accentibus, spiritibusq; carenteis: nihil erit, quòd me accuses (humanissime lector) si hoc, vel animi, vel oculorum delectationem nullam habeat; præsertim cum ipse omni culpa vacem.

E R R A T A T Y P O -
grapho condonanda.

Pagina 3. lin. 12. præstò pro præstò.

Pag. 8. li. postrema, versanteis, pro versantes.

Pag. 9. lin. 1. summo cum fulg. . pro summo fulgore.

Pag. 12. li. 16. vestrum, pro vestrum.

Pag. 16. lin. 3. hominam pro hominum.

Ibidem lin. 2. sanctissime pro sanctissime

Pag. 29. lin. 16. deprecationibus, pro deprecationibus

Pag. 30. lin. 23. audientibas, pro audientibus.

Bononiæ per peregrinum Bonardum.

I 5 6 0.

17
The first of these is the
fact that the number of
cases of the disease is
very small. It is only
about 100 cases a year
in the whole of the
country. This is a very
small number, and it is
not likely to increase
in the future.

18
The second of these is the
fact that the disease is
very rare. It is only
about 100 cases a year
in the whole of the
country. This is a very
small number, and it is
not likely to increase
in the future.

19
The third of these is the
fact that the disease is
very rare. It is only
about 100 cases a year
in the whole of the
country. This is a very
small number, and it is
not likely to increase
in the future.

20
The fourth of these is the
fact that the disease is
very rare. It is only
about 100 cases a year
in the whole of the
country. This is a very
small number, and it is
not likely to increase
in the future.





